

ქალაქ თბილისის მუნიციპალიტეტის საკრებულოს
იურიდიულ საკითხთა და ადამიანის უფლებათა დაცვის კომისიის
სხდომის ოქმი
N64

(გაერთიანებული - ქალაქ თბილისის მუნიციპალიტეტის საკრებულოს ურბანული
დაგეგმარებისა და საქალაქო მეურნეობის კომისიასთან)

2024 წელი; 19 ნოემბერი; 11:00 სთ;

ქ. თბილისი
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ნინო ვარდოსანიძე (თავმჯდომარე)

ზურაბ აბაშიძე

ნინო რუხაძე

აკაკი ალადაშვილი

კახაბერ ლაბუჩიძე

დავით ფარცვანია

მოწვეული პირები:

1. გაიოზ თალაკვაძე - ქალაქ თბილისის მუნიციპალიტეტის მერიის საფინანსო საქალაქო
სამსახურის უფროსი;

2. ლევან მიქაევა - ქალაქ თბილისის მუნიციპალიტეტის მერიის საფინანსო საქალაქო
სამსახურის უფროსის მოადგილე.

სხდომის თავმჯდომარე:

ნინო ვარდოსანიძე

იურიდიულ საკითხთა და ადამიანის უფლებათა დაცვის
კომისიის თავმჯდომარე

დღის წესრიგი

1. „ქალაქ თბილისის მუნიციპალიტეტის 2025 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.

მოისმინეს:

1. გაიოზ თალაკვაძემ იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებს გააცნო კომისიის სხდომის დღის წესრიგით განსაზღვრული, ქალაქ თბილისის მუნიციპალიტეტის საკრებულოს დადგენილების პროექტი, რომელიც ითვალისწინებს „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული, ქალაქ თბილისის მუნიციპალიტეტის საკრებულოს რეგლამენტის 72-ე მუხლით განსაზღვრული, ქალაქ თბილისის მუნიციპალიტეტის მომავალი წლის ბიუჯეტის პროექტის ქალაქ თბილისის მუნიციპალიტეტის მერის მიერ, ქალაქ თბილისის მუნიციპალიტეტის საკრებულოში (არაუგვიანეს 15 ნოემბრისა) წარმოდგენის სამართლებრივი პროცედურის/წესის დაცვით, 2025 წლის ბიუჯეტის პროექტის განხილვას.

მომხსენებელმა კომისიის წევრებს აცნობა, რომ წარმოდგენილი ქალაქ თბილისის მუნიციპალიტეტის 2025 წლის ბიუჯეტის პროექტის მოცულობა განისაზღვრა 1 826 308,6 ათასი ლარით, რაც 2024 წლის დამტკიცებულ ბიუჯეტთან (1 763 354,7 ათასი ლარი) მიმართებით გაზრდილია 62 953,9 ათასი ლარით და ითვალისწინებს შემდეგი ძირითადი პრიორიტეტების დაფინანსებას:

- სატრანსპორტო ინფრასტრუქტურის მშენებლობა - აღდგენა - 631 765,7 ათასი ლარი;
- ინფრასტრუქტურის ობიექტების მშენებლობა, ექსპლოატაცია და ავარიული შენობების გამაგრება/ჩანაცვლება - 209 514,6 ათასი ლარი;
- ეკოლოგიური მდგომარეობის შენარჩუნება და გაუმჯობესება - 223 195,4 ათასი ლარი;
- ეკონომიკის განვითარების ხელშეწყობა - 3 079,5 ათასი ლარი;
- ბინათმესაკუთრეთა ამხანაგობების განვითარება - 38 296,3 ათასი ლარი;
- ჯანმრთელობის დაცვა და სოციალური უზრუნველყოფა - 164 975,2 ათასი ლარი;
- განათლება - 261 539,9 ათასი ლარი;
- კულტურა, სპორტი და ახალგაზრდობა - 32 444,0 ათასი ლარი;
- საზოგადოებრივი წესრიგი და უსაფრთხოება - 7 779,2 ათასი ლარი;
- ქ. თბილისის წარმომადგენლობითი და აღმასრულებელი ორგანოები - 253 718,8 ათასი ლარი.

გაიოზ თალაკვაძემ კომისიის წევრებს გააცნო 2025 წლის ბიუჯეტის პროექტით წარმოდგენილი, დედაქალაქის მასშტაბით განსახორციელებელი ფინანსური გადაწყვეტები, რომლებიც შედარებულ იქნა ქალაქ თბილისის მუნიციპალიტეტის 2024 წლის დამტკიცებული ბიუჯეტის მონაცემებთან, შემდეგი სახით:

➤ სატრანსპორტო ინფრასტრუქტურის მშენებლობა - აღდგენა განისაზღვრა 631 765,7 ათასი ლარით, რაც 2024 წლის დამტკიცებულ ბიუჯეტთან (567 498,1 ათასი ლარი) შედარებით გაზრდილია 64 267,6 ათასი ლარით და აღნიშნული პრიორიტეტის ფარგლებში:


➤ საგზაო ინფრასტრუქტურის მშენებლობა, აღდგენა და მოვლა-შეკეთების პროგრამისათვის გათვალისწინებულია 101 706,0 ათასი ლარი, მათ შორის რაიონების გზების

მოვლა-შეკეთების ქვეპროგრამებისთვის ჯამში - 51 706,0 ათასი ლარი, სატრანსპორტო ინფრასტრუქტურის მოწესრიგების ღონისძიებებისათვის - 38 157,2 ათასი ლარი (მათ შორის ახალი ავტობაზის მშენებლობისთვის - 15 797,6 ათასი ლარი, მდგრადი ურბანული მობილობა - გონიერი სატრანსპორტო სისტემა (KfW) სესხის მომსახურების ფარგლებში დღგ - 5 000,0 ათასი ლარი, თბილისის ავტობუსების პროექტის (ფაზა II) (EBRD) ფარგლებში დამატებული დღგ - 2 000,0 ათასი ლარი), თბილისის ავტობუსების პარკის განახლება - შევსება - 145 412,5 ათასი ლარი (18 მეტრიანი 200 ერთეული ავტობუსის შესაძენად გაფორმებული ხელშეკრულების შესაბამისად დარჩენილი ვალდებულების დასაფარად), მეტროს სადგურების რეკონსტრუქცია, მშენებლობა - 300,0 ათასი ლარი (თბილისის მეტროს სადგურების მოდერნიზაციის პროექტის სესხის ფარგლებში გადასახდელი დღგ), საქალაქო სამგზავრო ტრანსპორტის სუბსიდია - 346 190,0 ათასი ლარი (რეგულირებად ეკონომიკურ სფეროებში მომსახურების ინტეგრირებულ სისტემაში ჩართული მიწისქვეშა (მეტრო) ტრანსპორტის, საბაგიროს, M2 და M3 კატეგორიის ავტობუსების მიერ გაწეული მომსახურების საფასური (სააგენტოს საკუთარი სახსრებიდან გათვალისწინებულია 144 000,0 ათასი ლარი);

➤ ინფრასტრუქტურის ობიექტების მშენებლობა, ექსპლუატაცია და ავარიული შენობების გამაგრება/ჩანაცვლება განისაზღვრა 209 514,6 ათასი ლარით, რომელიც გადანაწილდება შემდეგ პროგრამებზე/ქვეპროგრამებზე:

➤ საინჟინრო ნაგებობების და ინფრასტრუქტურის ობიექტების მშენებლობა და აღდგენა-რეკონსტრუქცია - 11 703,8 ათასი ლარი (მათ შორის ხიდების და გვირაბების მოწყობა რეაბილიტაცია, საყრდენი კედლების მშენებლობა-რეკონსტრუქცია, სანიაღვრე და საკანალიზაციო ქსელების მოწყობა-რეკონსტრუქცია, სანიაღვრე კოლექტორების მშენებლობა-რეაბილიტაცია), ბინათმშენებლობა და ავარიული შენობების გამაგრება - 7 000,0 ათასი ლარი (დაახლოებით 37-მდე შენობა-ნაგებობის გამაგრება), გარე განათების ქსელის ექსპლოატაცია და რეაბილიტაცია - 33 000,0 ათასი ლარი, კეთილმოწყობის ღონისძიებები - 69 893,7 ათასი ლარი (კეთილმოწყობის ღონისძიებები რაიონებში გათვალისწინებულია 59 738,2 ათასი ლარი), ავარიული სახლების ჩანაცვლება - 20 000,0 ათასი ლარი (გრძელდება 3 კორპუსის მშენებლობა, ჩანაცვლების პროგრამის ფარგლებში სამგორის რაიონში ბინის ქირით უზრუნველყოფილია 130 ოჯახი - 1 580,1 ათასი ლარი, საბურთალოს რაიონში 73 ოჯახი - 852,0 ათასი ლარი, ხოლო ავარიული სახლების ჩანაცვლების ფარგლებში გადასაცემი უძრავი ქონების რემონტისათვის (1 კვ.მ. - 286 ლარი) გათვალისწინებულია 2 200,0 ათასი ლარი), ქალაქის განვითარების ხელშეწყობა - 44 911,1 ათასი ლარი (პროგრამის ფარგლებში გაგრძელდება უკვე დაწყებული პროექტების დაფინანსება, როგორცაა: ისტორიულ-კულტურული ძეგლების, სადარბაზოების, მუზეუმების და სხვა შენობების რეაბილიტაცია, საცხოვრებლად ვარგისი ქალაქების საინვესტიციო პროგრამის (ADB) ფარგლებში დამატებული ღირებულების გადასახდელად გათვალისწინებულია 2,500.0 ათასი ლარი);

➤ ეკოლოგიური მდგომარეობის შენარჩუნება და გაუმჯობესება განისაზღვრა 223 195,4 ათასი ლარით, რაც 2024 წლის დამტკიცებულ ბიუჯეტთან (221 611,1 ათასი ლარი) მიმართებით გაზრდილია 1 584,3 ათასი ლარით და აღნიშნული პრიორიტეტის ფარგლებში:



➤ გამწვანების ღონისძიებებისათვის გათვალისწინებულია 59 801,3 ათასი ლარი (მათ შორის ინფრასტრუქტურის რეაბილიტაცია/მწვანე კუნძულების მოწყობა, გამწვანებული ტერიტორიების მოვლა-პატრონობა, სარწყავი სისტემების მოწყობა, ფერდობებზე ტყის გაშენება, სათამაშო ატრაქციონებისა და სპორტული ტრენაჟორების, მცენარეთა შეძენა და სხვა), დასუფთავების ღონისძიებებისათვის გათვალისწინებულია 130 500,0 ათასი ლარი (მათ შორის თბილისის მყარი ნარჩენების პროექტის და თბილისის მუნიციპალური მომსახურების სესხის ფარგლებში დამატებული ღირებულების გადასახადის გადასახდელად - 3 500,0 ათასი ლარი, ხოლო საყოფაცხოვრებო ნარჩენების კონტეინერების შესაძენად - 2 000,0 ათასი ლარი), ბოტანიკური ბაღის და თბილისის ზოოლოგიური პარკის ხელშეწყობისთვის გათვალისწინებულია 9 410,0 ათასი ლარი;

➤ ეკონომიკის განვითარების ხელშეწყობა განისაზღვრა 3 079,5 ათასი ლარით და პრიორიტეტის ფარგლებში გაგრძელდება შემდეგი პროგრამების დაფინანსება: ბიზნესის სტიმულირება - 1 583,5 ათასი ლარი, თბილისის განვითარების კვლევები, სტრატეგიები და პროექტები - 326,0 ათასი ლარი, თბილისი - საერთაშორისო ქსელებსა და პროექტებში - 130,0 ათასი ლარი, მერიის სისტემის საქმიანობის ხელშეწყობა - 370,0 ათასი ლარი, თბილისში შემომყვანი ტურიზმის მხარდაჭერა - 480,0 ათასი ლარი, ქალაქის საინვესტიციო პოტენციალის რეალიზაცია 190,0 ათასი ლარი;

➤ ბინათმესაკუთრეთა ამხანაგობების განვითარება განისაზღვრა 38 296,3 ათასი ლარით და პრიორიტეტის ფარგლებში გაგრძელდება მრავალბინიან საცხოვრებელ სახლებში სახურავების შეკეთება (ბრტყელი და ქანობიანი გადახურვა), ლიფტების მიმდინარე შეკეთება და რეაბილიტაცია, შიდა წყალკანალიზაციის გაყვანილობების შეკეთება, სადარბაზოების სარემონტო სამუშაოები, შენობის ან/და მისი შემადგენელი ელემენტების კაპიტალური გამაგრებითი სამუშაოები და სხვა ღონისძიებები;

➤ ჯანმრთელობის დაცვა და სოციალური უზრუნველყოფა განისაზღვრა 164 975,2 ათასი ლარით, რაც 2024 წლის დამტკიცებულ ბიუჯეტთან (154 920,1 ათასი ლარი) მიმართებით გაზრდილია 10 055,1 ათასი ლარით. აღნიშნული პრიორიტეტის ფარგლებში:

➤ ჯანდაცვის პროგრამისათვის განსაზღვრულია 37 453,9 ათასი ლარი, რომლის ფარგლებში, მათ შორის, გაგრძელდება: გადამდებ და არაგადამდებ დაავადებათა ეპიდემიოლოგიური კონტროლის, აუტიზმის სპექტრის დარღვევის მქონე ბავშვთა აბილიტაცია, ფსიქიკური ჯანმრთელობის სათემო მომსახურება, გაფანტული სკლეროზის და ძუძუს კიბოს სამკურნალო მედიკამენტების, სახსრების ენდოპროტეზირების, დაავადებათა სკრინინგის და ტრანსპლანტაციის დაფინანსება.

➤ სოციალური დაცვის პროგრამისთვის ჯამში გათვალისწინებულია 127 521,3 ათასი ლარი, რომლის ფარგლებშიც გაგრძელდება შემდეგი ქვეპროგრამების დაფინანსება: კომუნალური სუბსიდირება, სოციალურად დაუცველი მრავალშვილიანი ოჯახებისათვის 18 წლამდე ასაკის თითოეულ ბავშვზე ყოველთვიური დახმარება, სოციალურად დაუცველი საპენსიო ასაკის პირებისათვის მედიკამენტების დაფინანსება, სოციალურად დაუცველ ოჯახებში ყველა ახალშობილზე ერთჯერადი დახმარება, შინმოვლის თანადაფინანსება, მცირე

საოჯახო ტიპის სახლებიდან გასული, სრულწლოვანი პირების დამოუკიდებელი ცხოვრების ხელშეწყობა, უფასო სწავლება მოსწავლე ახალგაზრდობის სახლებში, სასახლეში, ხელოვნების სკოლებში, სპორტულ სკოლებში და საცურაო აუზებში, თბილისის მუნიციპალური თავშესაფრის მოვლა-პატრონობა, შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა, საკურორტო მომსახურება და დახმარება, უფასო სასადილოებით მომსახურება რაიონებში, დანგრეული სახლების მაცხოვრებელთა საკომპენსაციო თანხები რაიონებში და სხვა;

➤ განათლება დაიგეგმა - 261 539,9 ათასი ლარით, რაც 2024 წლის დამტკიცებულ ბიუჯეტთან (248 047,1 ათასი ლარი) მიმართებით გაზრდილია 13 492,8 ათასი ლარით და აღნიშნული პრიორიტეტის ფარგლებში მნიშვნელოვანი წილი უჭირავს სკოლამდელი აღზრდის დაწესებულებების ხელშეწყობას 218 588,2 ათასი ლარის ოდენობით (გრძელდება დაწყებული პროექტების დაფინანსება, მათ შორის: ავარიული საბავშვო ბაგა-ბაღების ადგილას ახლის მშენებლობა და ავარიული ბაღების გამაგრება/რეაბილიტაცია: გრძელდება 1 არსებული ბაღის ნაცვლად ახლის მშენებლობა, ხოლო დასრულდება 5 საბავშვო ბაგა-ბაღის მშენებლობა/რეაბილიტაცია (მათ შორის 2 არსებული ბაღის ნაცვლად ახლის მშენებლობა და 3 ბაღის შენობის კაპიტალური რეაბილიტაცია), გაგრძელდება შემდეგი პროგრამების/ქვეპროგრამების დაფინანსება: სტუდენტთა დაფინანსების პროგრამა, ზოგადი განათლების და სასკოლო პროექტების ხელშეწყობა, უწყვეტი განათლების და სტუდენტური პროექტების ხელშეწყობა, პროფესიული განათლების და დასაქმების ხელშეწყობა, მულტიფუნქციური ბიბლიოთეკების გაერთიანების ხელშეწყობა, ახალგაზრდობის ეროვნული სასახლის ხელშეწყობა, იურიდიული კლინიკა და სხვა;

➤ კულტურა, სპორტი და ახალგაზრდობა განისაზღვრა 32 444,0 ათასი ლარით. გაგრძელდება კულტურის ობიექტების (თეატრები, მუზეუმი, გალერეა, საბალეტო დასი, ბიგ-ბენდი, პანთეონი) დაფინანსება, სახელოვნებო განათლების ხელშეწყობა, წარმატებული სპორტსმენი ბავშვების და მწვრთნელთა მხარდაჭერა, პარასპორტის განვითარების ხელშეწყობა, სპორტული მოედნების მშენებლობა, რეკონსტრუქცია (დასრულდება ჩუბინაშვილის ქუჩაზე 2024 წელს დაწყებული სპორტული ინფრასტრუქტურის (მოედნები, სკეიტპარკი) მოწყობა), სპორტული და კულტურის დაწესებულებების მატერიალურ-ტექნიკური ბაზის გაუმჯობესების ღონისძიებები; გაგრძელდება ფიზიკური დატვირთვების სკრინინგი (სპორტულ ცენტრებში 18 წლამდე ასაკის ბენეფიციართა ფიზიკური დატვირთვების და ჯანმრთელობის სკრინინგი) და სპორტი უფროსი თაობისთვის (60 წლის და 60 წელს გადაცილებული მოქალაქეებისთვის უსასყიდლოდ სპორტული სერვისებით სარგებლობა). ასევე, გათვალისწინებულია სპორტული, კულტურული და ახალგაზრდული ღონისძიებების ხელშეწყობა, კულტურის სფეროს განვითარების ხელშეწყობა და სხვა;

➤ საზოგადოებრივი წესრიგი და უსაფრთხოება განისაზღვრა 7 779,2 ათასი ლარით. პრიორიტეტის ფარგლებში დაფინანსდება პროგრამები: თბილისის მუნიციპალიტეტის ქონების დაცვის უზრუნველყოფა - 817,1 ათასი ლარით და ცხოველთა მონიტორინგი - 6 962,1 ათასი ლარით;



➤ ქ. თბილისის წარმომადგენლობითი და აღმასრულებელი ორგანოები - 253 718,8 ათასი ლარით. პრიორიტეტის ფარგლებში განსაზღვრულია ბიუჯეტის სარეზერვო ფონდი - 4 000,0 ათასი ლარის ოდენობით და წინა წლებში წარმოქმნილი დავალიანებების დაფარვისა და სასამართლო გადაწყვეტილებების აღსრულების ფონდი - 2 000,0 ათასი ლარის ოდენობით. ასევე, გათვალისწინებულია წინა წლებში აღებული სესხების დაფარვა, მათ შორის მდგრადი ურბანული მობილობა - გონიერი სატრანსპორტო სისტემა (KfW) - 7 520,0 ათასი ლარი, თბილისის მუნიციპალური მომსახურების პროექტის სესხის მომსახურება - 5 924,6 ათასი ლარი, თბილისის მეტროს სადგურების მოდერნიზაციის პროექტის სესხის მომსახურება - 8 096,0 ათასი ლარი, თბილისის ნარჩენების გადამუშავების პროექტის სესხის მომსახურება - 4 160,0 ათასი ლარი, თბილისის ნარჩენების პოლიგონის გაზაფხულები სისტემის პროექტის სესხის მომსახურება - 2 560,0 ათასი ლარი, თბილისის ავტობუსების პროექტის სესხის მომსახურება - 13 126,3 ათასი ლარი, თბილისის მყარი ნარჩენების პროექტის სესხის მომსახურება 8 440,6 ათასი ლარი, თბილისის ავტობუსების პროექტის სესხის მომსახურება II ფაზა - 34 968,1 ათასი ლარი;

როგორც გაიოზ თალაკვაძემ განმარტა, გარდა ზემოაღნიშნულისა, ქალაქ თბილისის მუნიციპალიტეტის 2025 წლის ბიუჯეტის პროექტს თან ერთვის ინფორმაციული ხასიათის დანართები, რომლებიც ასახავს დეტალურ ინფორმაციას განსახორციელებელი პროგრამებისა და ქვეპროგრამების, კაპიტალური პროექტების, ბიუჯეტით გათვალისწინებული პროგრამების/ქვეპროგრამების განმახორციელებელი ორგანიზაციების, ქალაქ თბილისის მუნიციპალიტეტის მიერ დაფუძნებული სსიპ-ების, ა(ა)იპ-ების და სამთავრობო სექტორს მიკუთვნებული სახელმწიფო საწარმოების ბიუჯეტების, ასევე ქალაქ თბილისის მუნიციპალიტეტის 2024 წლის ბიუჯეტის 9 თვის შესრულების მიმოხილვის და ქალაქ თბილისის მუნიციპალიტეტის 2025-2028 წლების პრიორიტეტების შესახებ. ამასთანავე, მომხსენებელმა აქვე დასძინა, რომ ქალაქ თბილისის მუნიციპალიტეტის 2025 წლის ბიუჯეტის პროექტში გამოყენებულია თანასწორობის პოლიტიკის განხორციელების მექანიზმი, რომელიც გულისხმობს საბიუჯეტო პროცესში გენდერული ასპექტების ჩართვას.

მომხსენების მიწურულს, გაიოზ თალაკვაძემ აღნიშნა, რომ წარმოდგენილი დადგენილების პროექტი ასახავს ბავშვთა უფლებების შესახებ არსებული პოლიტიკის ფარგლებში განსახორციელებელი ღონისძიებების დასაფინანსებლად საჭირო რესურსებს, შესაბამისი პასუხისმგებელი საბიუჯეტო ორგანიზაციის პროგრამულ კოდში და აქვე დასძინა, რომ დადგენილების პროექტის მიღება გამოიწვევს „ქალაქ თბილისის მუნიციპალიტეტის 2024 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს 2023 წლის 15 დეკემბრის №33-89 დადგენილების ძალადაკარგულად გამოცხადებას.

გადაწყვეტის:

დადგენილების პროექტთან დაკავშირებით, ხმის მიცემისაგან თავი შეიკავა უფრაქციო დეპუტატმა დავით ფარცვანიამ.



იურიდიულ საკითხთა და ადამიანის უფლებათა დაცვის კომისიის დანარჩენმა წევრებმა ერთხმად აღნიშნეს, რომ „ქალაქ თბილისის მუნიციპალიტეტის 2025 წლის ბიუჯეტის დამტკიცების შესახებ“ ქალაქ თბილისის მუნიციპალიტეტის საკრებულოს დადგენილების პროექტი იურიდიულად გამართულია და შესაბამისობაშია მოქმედ კანონმდებლობასთან; აღნიშნულიდან გამომდინარე, ერთხმად იქნა მიზანშეწონილად მიჩნეული, ბიუჯეტის პროექტთან დაკავშირებით მომზადებული დასკვნის პროექტი, ქალაქ თბილისის მუნიციპალიტეტის საკრებულოს რეგლამენტის 72-ე მუხლით განსაზღვრული სამართლებრივი პროცედურების დაცვის მიზნით, წარედგინოს ქალაქ თბილისის მუნიციპალიტეტის საკრებულოს ქონების მართვისა და საფინანსო-საბიუჯეტო კომისიას.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდგომ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე		ნინო ვარდოსანიძე
სხდომის მდივანი		ნინო დანელიშვილი